

庫 本 樣

陳氏幼科秘訣

三三醫書第一集第廿六種

著者失名

初生

小兒生下以甘草黃連馬料豆多煎湯與之服蓋穢吞胸中吐以甘草穢入腹
中利以黃連也茯苓丸能治初生小兒腹滿氣短不能飲乳是穢物入腹所致
若胎中受寒令小兒腹痛亦治

茯苓丸 赤茯苓 黃連（寒症不用宜用芍藥） 蜜丸桐子大乳汁下一丸

沐浴

宜益母草湯令兒體滑血脈流通免生瘡疾

益母草 黃連各一兩 蛇床子 苦參各二兩 藁本五錢 硃砂 雄

陳氏幼科秘訣



黃各一錢

又方 桃枝 梓枝

煎湯臨浴時加豬胆一個入內

噤風

噤風者初生七日內忽然目閉口噤啼聲不出下青糞舌上有竅肉如粟吃乳不得口吐白沫大小便皆通由在胎受熱毒流入心脾故見于喉舌之間或初生時爲風邪搏擊所致名犯風噤口中白粟用綿裹指蘸水擦破百廿日內俱有此患一口噤不乳腹急多啼牙關緊閉與撮口相似赤者心噤白者肺噤

撮口

撮口者面目黃腫或赤喘急啼聲不出由胎受熱氣兼風熱入臍流毒于心脾故舌強唇青聚口撮而飲乳有妨若口吐白沫四肢冷不治或肚脹青筋吊腸

卵疝內氣引痛皆腸胃鬱結所致十救二三月內尤急週歲始免用白殭蠶直而明亮者佳二條去絲嘴炙脆爲末蜜調敷人中卽瘥或研牛黃一錢和竹瀝抹口中亦治（按牛黃要嫩黃輕虛重疊可揭氣息微香摩指甲竟透者）

臍風

臍風者斷臍後水濕風冷入臍流于心肺甚則發搐成驚若臍凸四傍青黑撮口不開是爲內撮爪黑者死用赤脚蜈蚣一條蝎尾四個殭蠶七條瞿麥五分爲末先以鵝翎管吹鼻內得噴嚏啼哭爲可治後用薄荷湯調服三者名雖不同其原則一皆因裏氣鬱結壅閉不通由斷臍太短結得不緊外風入臍或牽動臍帶水入生瘡所致撮口尤甚治當疎利並用余家小紅丸下之後用抱龍丸牛黃丸等

心熱發驚面青啼不出吐白沫腹脹硬臍四邊浮腫舌強不進乳不與噤風同

初生小兒熱在胸膛頻頻作聲弩脹治法宜去風此症眉青臉赤勿用藥治
兒口噤牙關閉者用天南星去皮臍爲細末加龍腦少許和均指蘸薑汁同藥
擦牙上

小紅丸(又名辰砂丸) 金蝎(去毒洗淨)一兩 南星一兩 珍珠一錢
硃砂四錢五分 巴霜二錢五分

爲末糯米糊丸如芥子大每歲三五丸看小兒強弱用十歲以外百丸方效
燈心湯下須要活法加減用之方稱弄斧之手如六七十丸四五十丸在用
之者才酌

抱龍丸 天竺黃一兩 膽星四兩 雄黃五錢

蜜丸圓眼核大約重一錢硃砂爲衣每服一丸薄荷湯化下辰砂爲衣亦可
牛黃丸 枳實 黃連各一兩 膽星二兩 天竺黃五錢 天麻五錢 殭

蠶 全蠋各三錢 雄黃三錢 龍齒煨三錢 牛黃一錢 麝香 冰片
各錢半

蜜丸蠟封用則去蠟薄荷湯燈心湯化下

氣閉

兒生一二日大小便不通腹脹滿而欲絕此胎毒之氣鬱閉所致急令婦人溫水漱口吸兒前後心臍下及手足心共七處各吸五七口赤紅色爲度氣散而自通不然救亦無用服余家小黑丸及葱白散葱白四寸人乳內同搗如泥敷入兒口與乳使吐後用當歸散

當歸散 當歸八分 木通六分 連翹五分 滑石六分 甘草梢三分

水一鍾煎不時服

小黑丸 木香一兩五錢五分 丁香七錢五分 肉蔻麵包煨十個 杏仁

去皮尖百廿粒 百草霜一兩 巴霜前藥每一兩加巴霜一錢
丸法用法與小紅丸同

嘔啼

兒生下身青白無血色日夜啼不止體仰而軀腹滿不乳大便青白是在胎爲風冷所傷而然時時吐衄或腹中如鷄子黃接之如小雞聲而後出若不急治則成癰宜用余家小黑丸及養臟湯

養臟湯 白朮八分 芍藥六分 茯苓七分 川芎五分 藿香六分 甘草四分 木香三分 鈎藤三分 澤瀉 肉豆蔻各七分
水一鍾薑三片煎服

傷風

風邪感於腠裏先入於肺肺主皮毛其身日夜發熱無汗鼻塞氣粗不惡寒而

惡風當風乃憎寒呵欠煩悶口中氣熱當表散宜加減芎蘇飲

芎蘇飲 黃芩 柴胡 紫蘇 前胡 枳殼 半夏 桔梗 防風 山查

茯苓 陳皮 甘草 乾葛

頭痛加川芎或白芷偏身及肢節痛加羌活夾食去枳殼加青皮枳實或蒼朮四五日熱不退加麻黃服麻黃又不退熱入裏也去紫蘇枳殼防風加枳實竹葉石膏用余家小紅丸下之

有痰前飲內加貝母天花粉或膽星熱稍退而嗽前飲內去紫蘇防風加桑白皮杏仁或貝母先當用小紅丸下之嗽不轉者熱鬱在肺而氣不得宣通加麻黃石膏嗽甚見血加山梔石膏嗽久雖無血亦加山梔略有餘熱前飲內去紫蘇柴胡防風加石膏

兒百日內身熱當用脫甲散四五日不止用小紅丸

脫甲散 銀柴胡 龍膽草 知母 麻根各三錢 川芎 當歸各二錢

茯苓 人參各一錢 甘草一錢 葱白頭一個煎服

咳嗽

咳嗽屬肺風熱鬱于肺則生痰故嗽有喉間作小雞聲者先用小紅丸下之不惟下痰且肺與大腸相爲表裏腑不實臟不能實也大率順氣化痰清肺爲主宜清金貝母湯

清金貝母湯 貝母 杏仁 桑皮 花粉 桔梗 枳殼 甘草 黃芩

木通 蘇子 陳皮 茯苓

痰甚加膽星食積痰去貝母加製半夏山查痰而嗽甚加山梔喘加馬兜鈴或紫苑嗽而血加山梔石膏嗽而氣逆倍蘇子嗽不轉加麻黃石膏嗽久加款冬花馬兜鈴或瓜蒌仁紫苑五味烏梅

食積痰須用製半夏枳實青皮枳殼嗽甚眼白上有瘀肉生者此嗽傷血分也宜服生地當歸入血分榔櫟下其氣

瘡

瘡者有暑有痰有風有濕有食兒病多食風痰無汗要有汗散風邪爲主大人兼補小兒不必宜清脾退熱飲

清脾退熱飲 柴胡 黃芩 枳殼 半夏 花粉 青皮 檳榔 山查

常山 草薺 茯苓 陳皮 甘草

暑加香薷渴甚加石膏濕加蒼朮

有汗要無汗扶正氣爲主大人小兒俱帶發散用加減補中益氣湯

補中益氣湯 人參 白朮 黃芪 柴胡 歸身 升麻 黃芩 陳皮

茯苓 加減法如前

久瘧一補一瀉 柴胡 黃芩 枳實 半夏 檳榔 山查 白朮 茯苓

陳皮 甘草

瘧後寒熱雖停尚有餘熱宜清脾退熱飲去常山草薢加地骨皮知母腹脹加
桔梗葡萄子

瘧母者寒熱時血氣與邪相爭飲冷所致結塊在脇下宜鱉甲丸阿魏丸等

鱉甲丸 生地 當歸 川芎 紅花 牡丹皮 檳榔 蓬朮 香附 厚

朴 鱉甲醋炙 川山甲尤妙

阿魏丸 阿魏沸湯泡 雄黃研末各二錢半 辰砂研末一錢半

麵糊丸菴豆大

胎瘧六七發過卽宜截久則元氣虛久瘧成勞用四獸飲截瘧飲

四獸飲 常山三錢 枳殼三錢 檳榔一個 生薑五片

水煎五更服

截瘡飲 全歸三錢 川芎三錢 甘草三錢 何首烏二兩（新而大者佳）
陰陽水各一大碗煎一碗臨日面朝東五更溫服

吐

吐症有五一曰嘔乳哺過多口角流出滿而溢也勿與乳則以陳米煮粥與食
勿藥可也二曰逆（上升爲逆）氣貴下降消食順氣爲主三曰吐爲頓出有物
無聲以蒼朮藿香二陳湯等四曰嘔爲漸出有物有聲亦用上方五曰噦卽乾
嘔也有聲無物乃屬火最爲惡候生薑爲嘔家聖藥若兒傷食爲多不可與乳
乳味甘令中滿且動舌筋起胃火初生小兒便吐由拭口中穢血不盡或食胞
漿故令吐多用甘草黃連汁或吾家小黑丸不止服正胃散傷食吐冷吐可服
溫胃調氣湯

溫胃調氣湯 蒼朮正胃氣 厚朴泄中氣 半夏 香附正氣 山查 神

麴 麥芽 藿香正氣 乾薑 茯苓

服此不止若見是冷可加木香丁香厚朴次第加之若是傷食以枳實青皮
檳榔次第加之用前藥又不止是胃氣因吐而虛面青白唇淡精神少可加
人參此症必眼眶陷下方可用參若不用參恐虛極生風傳爲慢驚

暑月有熱吐者因胃暑或傷熱食致熱氣入胃食與氣相搏而吐也其症眼眶
陷唇燥舌有刺大便焦黃射出如臭鴨蛋腥氣用水潑地令兒臥上用黃瓜同
臥宜服清熱之劑如後吐瀉論中清胃止渴湯可加減用之 初生小兒吐余
家小黑丸最妙

吐瀉

脾胃俱虛吐瀉併作傷食爲多四時俱有或有春因於風佐以防風天麻夏因

於暑佐以香薷扁豆秋因於涼本方皆溫劑不必藥佐昏睡露睛胃家虛熱睡
不露睛胃家實熱無論虛熱實熱先用小黑丸微利之亦有身大熱而吐瀉皆
傷風症宜治風不因吐瀉而感之傷食吐瀉乳食不化或吐與瀉皆酸臭宜消
食平胃湯

消食平胃湯本方 藿香 厚朴 蒼朮 半夏 香附 陳皮 山楂 神
麴 茯苓

瀉色黃赤屬熱加薑炒黃連青白屬冷只用本方甚則加木香丁香肉桂乾
薑肉蔻等腹痛加砂仁身熱加柴胡傷食重枳實青皮檳榔可漸加身涼吐
沫瀉青白呵欠煩悶不渴噦氣常見露睛此病久在再因成吐瀉急宜補脾
量加人參白朮乾薑肉桂附子木香丁香等

身熱或不熱眼眶陷舌上有刺唇燥飲水瀉焦黃臭清胃止渴湯

清胃止渴湯 人參 蓮肉 柴胡 黃連 杏仁 陳皮 甘草 石膏

山梔 貝母 茯苓

若眼眶凹陷且勿用人參只用白朮眼眶已陷斷要用參腹痛加砂仁久渴而虛亦須加山藥白朮不止加肉蔻訶子冷瀉色青白面恍白悽慘去黃連加附子木香蒼朮甚則丁香肉桂亦可用此症手足厥冷爲逆急與人參附子溫其胃不變慢驚傷食瀉糞色白水穀不化酸臭去黃連加蒼朮香附瀉而浮腫小便濇少不行是小腸滲入脾胃宜利水湯

利水湯 蒼朮白朮也可 滑石 豬苓 澤瀉 厚朴 陳皮 甘草 山

查 茯苓皮 赤芍藥 車前子

用升麻柴胡提其氣木香天麻醒其脾防風燥其濕上吐清汁下瀉完穀面白腹痛手麻脚轉筋大叫哭食乳卽返此因濕痰流注四肢宜除濕化痰湯

若唇口乾燥司空黃色勿用此方亦用利水湯加天麻
小兒吐乳或痰瀉黃沫唇深紅額汗自時出若陰囊吊縮牙斷黑色女兒陰腫
勿必用醫藥

霍亂

其症脈多伏或絕內有所積外有所感邪正相干陰陽乖隔留於中脘陽不升
陰不降吐利暴作病在上焦心痛而吐病在下焦腹痛而瀉病在中焦心腹俱
痛吐瀉並作偏陽多熱偏陰多寒甚則轉筋腹痛手足厥逆又足陽明胃經以
養宗筋暴吐暴瀉宗筋失養故攣急甚則舌卷囊縮脾受賊邪木來侮土故也
吐瀉盡陰陽順而愈矣此症乃飲食所傷切勿與穀食薑椒等必待吐盡瀉盡
過一二時方與稀粥若乾霍亂最是急症不得吐利陰陽閉而死矣此乾霍亂
乃立見安危惟用鹽水灌之令其大吐或掘地穴以新汲水投之攪取澄清飲

之或用手挖喉中探吐尤捷有宜吐者雖已吐利仍用二陳湯吐之以提其氣又刺委中及十指出血

凡霍亂用吐瀉本方因風加柴胡防風因寒倍半夏因濕倍蒼朮防風因暑加藿香扁豆因食多用枳實青皮（治泄瀉用益元散加白朮末一兩每服一二錢米湯調服）

積

積者停蓄之總名諸書皆分五積屬臟六聚屬腑腑病不治自愈臟病宜治而脾臟尤難丹溪只言積塊有形之物在左爲血積在右爲痰積在中爲食積兒則有食積乳積氣積虛積實積驚積熱積寒積甚則爲疰癆爲痞結爲癥瘕又肝積爲肥氣脾積爲痞氣肺積爲息賁心積爲伏梁腎積爲奔豚治各不同小兒只是去脾家食積而已夫胃水穀之海脾卽夾肝附上脾熱則磨速而食易

化脾寒則磨遲而食難消不消則變爲冷積矣大抵消食行氣開痰化血爲主只宜消之化之磨之無下積之理若積瀉先當小黑丸下之後卽宜補以人參白朮磨以檳榔枳實山稜蓬朮輩小兒只是食積多痰與血少其餘更少然食積爲疳積之根未至疳時不可用胡黃連銀柴胡蘆薈等寒藥祇宜溫和藥化之開之余家小黑丸可用若常服則用肥兒丸

肥兒丸 炒陳皮四兩 厚朴米泔水浸炒 麩炒枳實 炒薊子 炒青皮
薑炒黃連 白朮 檳榔各二兩 山查 炒神麴 炒焦麥芽 連翹
龍膽草 蓬朮各一兩半 甘草一兩半 米泔水浸炒香附四兩 爲末
蜜丸圓眼大米湯化下

若疳積加蘆薈胡黃連柴胡名玉疳深道丸又名蘆薈丸必夜間發熱骨瘦如柴者方可加